

ԿԱԶՄՎԱԾ Է 13.10.2021թ.
ԲԱՂԿԱՑԱԾ Է 9 ԷԶԻՑ

ՏՊԱԳՐՎԱԾ Է ԸՆԴԱՄԵՆԸ 2 ՕՐԻՆԱԿ

ՕՐԻՆԱԿ 1

ՀԱՍՏԱՏՎԱԾ Է՝

«ՆՈՐ ՎԱՆԱՉՈՐ» ԺՈՂՈՎՐԴԱՎԱՐԱԿԱՆ
ԿՈՒՍԱԿՑՈՒԹՅԱՆ
ՀԻՄՆԱԴԻՐ ՀԱՄԱԳՈՒՄԱՐՈՒՄ
«13» հոկտեմբերի, 2021թ.

Կուսակցության Նախագահ՝
Արտյոմ Գրիգորյան



ԳՐԱՆՑՎԱԾ Է՝
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՈԵԳԻՍՏՐԻ ԳՈՐԾԱԿԱԼՈՒԹՅԱՆ
ԿՈՂՄԻՑ

«11» Հոկտեմբերի 2021թ.

գրանցման համար՝ 211182.1204029
հարկ վճարողի հաշվառման
համար՝ 06962685-



«ՆՈՐ ՎԱՆԱՉՈՐ»
ԺՈՂՈՎՐԴԱՎԱՐԱԿԱՆ
ԿՈՒՍԱԿՑՈՒԹՅԱՆ
Ծրագիր

Հայաստանի Հանրապետություն
2021թ.

ԿԱԶՄՎԱԾ Է 13.10.2021թ.

ԲԱՂԿԱՑԱԾ Է 9 ԷԶԻՑ

ՏՊԱԳՐՎԱԾ Է ԸՆԴԱՍԵՆԸ 2 ՕՐԻՆԱԿ

ՕՐԻՆԱԿ 1

ՀԱՍՏԱՏՎԱԾ Է՝


«ՆՈՐ ՎԱՆԱՉՈՐ» ԺՈՂՈՎՐԴԱՎԱՐԱԿԱՆ
ԿՈՒՍԱԿՑՈՒԹՅԱՆ
ՀԻՄՆԱԴԻՐ ՀԱՄԱԳՈՒՄԱՐՈՒՄ
«13» հոկտեմբերի, 2021թ.

ԳՐԱՆՑՎԱԾ Է՝

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՈԵԳԻՄԸՆԻ ԳՈՐԾԱԿԱԼՈՒԹՅԱՆ
ԿՈՂՄԻՑ

Կուսակցության Նախագահ՝
Արտյոմ Գրիգորյան

«_____» 201 թ



գրանցման համար՝ _____
հարկ վճարողի հաշվառման
համար՝ _____

_____ / _____

«ՆՈՐ ՎԱՆԱՉՈՐ»
ԺՈՂՈՎՐԴԱՎԱՐԱԿԱՆ
ԿՈՒՍԱԿՑՈՒԹՅԱՆ
Ծրագիր

Հայաստանի Հանրապետություն
2021թ.

ԾՐԱԳՐԻ ԲՈՎԱՆԴԱԿՈՒԹՅՈՒՆԸ

ՆԱԽԱԲԱՆ	3
ՏԱՐԱԾՔԱՅԻՆ ՀԱՄԱՉԱՓ ԶԱՐԳԱՑՈՒՄ	4
ԱՆՎՏԱՆԳՈՒԹՅՈՒՆ	5
ՏՆՏԵՍՈՒԹՅՅՈՒՆ	6
ԲՆԱՊԱՀՊԱՆՈՒԹՅՅՈՒՆ	7
ԱՐՏԱՔԻՆ ՔԱՂԱՔԱԿԱՆՈՒԹՅՅՈՒՆ	7
ԿՐԹՈՒԹՅՅՈՒՆ ԵՎ ԳԻՏՈՒԹՅՅՈՒՆ	8

ՆԱԽԱԲԱՆ

1991 թվականին անկախության հոչակումից հետո Հայաստանի Հանրապետությունում սկսվեցին իրականացվել մի շաբթ քարեփոխումներ և՝ քաղաքական ոլորտում, և՝ տնտեսական ոլորտում, և՝ հասարակական ոլորտում, և՝ իրավական ոլորտում և այլ ոլորտներում:

1995 թվականին համաժողովրդական հանրաքվեի միջոցով ընդունվեց Սահմանադրությունը: Սահմանադրության Նախարանում արձանագրվեց. «Հայ ժողովուրդը, իիմք ընդունելով Հայաստանի անկախության մասին հոչակագրում հաստատագրված հայոց պետականության իիմնարար սկզբունքները և համազգային նպատակները, իրականացրած ինքնիշխան պետության վերականգնման իր ազատասեր նախնիների սուրբ պատգամը, նվիրված հայրենիքի հզորացմանը և բարգավաճմանը, ապահովելու համար սերունդների ազատությունը, ընդհանուր բարեկեցությունը, քաղաքացիական համերաշխությունը, հավաստելով հավատարմությունը համամարդկային արժեքներին, ընդունում է Հայաստանի Հանրապետության Սահմանադրությունը»: Սահմանադրության մեջ արձանագրված կարգավորումների համար առանձնացվում են հետևյալ չորս իիմնական որակները՝ իրավական ակտ է, ունի գերակա բնույթ, իիմք է հանդիսանում ընթացիկ օրենսդրության համար, պլանավորում է դրա բնույթը, ունի ընդունման և փոփոխման հատուկ կարգ: Սահմանադրության 8-րդ հոդվածը հոչակում է գաղափարախոսական բազմակարծությունը և բազմակուսակցական համակարգը: Հայաստանի Հանրապետությունում երաշխավորվում են գաղափարախոսական բազմակարծությունը և բազմակուսակցական համակարգը: Կուսակցությունները կազմավորվում և գործում են ազատորեն: Կուսակցությունները նպաստում են ժողովրդի քաղաքական կամքի ձևավորմանն ու արտահայտմանը: Կուսակցությունների կառուցվածքը և գործունեությունը չեն կարող հակասել ժողովրդավարական սկզբունքներին: Կուսակցությունները ստանձնել են կարևորագույն առաքելություն՝

ձևավորել հասարակությունում քաղաքական կամքը: Բացի քաղաքական կամքի ձևավորումից կուսակցությունները կատարում են հետևյալ գործառույթները՝

- 1) Իրավական. կուսակցությունները նպաստում են և՝ իրավաստեղ և՝ իրավակիրառ աշխատանքներին:
- 2) Կազմակերպական. միավորում է հասարակության որոշակի հատվածի ընդհանուր գաղափարի շուրջ իր առջև դրված խնդիրների լուծման համար:
- 3) Արտաքին քաղաքականություն. յուրաքանչյուր կուսակցություն ինքն է որոշում իր արտաքին քաղաքականության տեսլականը և դրա հիման վրա պետական իշխանության գալով փորձում է իրագործել իր առջև դրված խնդիրները:

«Նոր Վանաձոր» ժողովրդավարական կուսակցության (այսուհետ նաև՝ Կուսակցություն) ստեղծման նպատակներն են՝ Հայաստանի Հանրապետության անվտանգության, տարածքային ամբողջականության ապահովումը, համայնքների, մարզերի համաշափ զարգացումը՝ ժողովրդավարական ինստիտուտների զարգացումը՝ հանրաքվեների, պետական և տեղական ինքնակառավարման մարմինների ընտրություններին մասնակցությամբ և հասարակության ու պետության քաղաքական կյանքի մասնակցության այլ ձևերով, ժողովրդի քաղաքական կամքի ձևավորումը և արտահայտմանը նպաստելը և իշխանության մարմիններ ձևավորելը:

ՏԱՐՄԱՔԱՅԻՆ ՀԱՄԱՉԱՓ ԶԱՐԳԱՑՈՒՄ

Կուսակցության առաջնային նպատակներից է համայնքների և մարզերի համաշափ զարգացման ապահովումն ամբողջ Հայաստանի Հանրապետությունում:

Համաշափ զարգացումը հնարավոր է համայնքների ինքնակառավարման գործում արդյունավետ ժողովրդավարական ինստիտուտների ներդրման, զարգացման, կայացման, ինչպես նաև ֆինանսական ինքնարավության կառուցակարգերի մշակման և ներդրման ճանապարհով:

Այս նպատակներին հասնելու համար առաջնահերթ ենք համարում համայնքների տնտեսության զարգացումը փոքր և միջին բիզնեսի խթանման, խոշոր ներդրումների

ներգրավման, ենթակառուցվածքների զարգացման և տեղական ինքնակառավարման ու պետական կառավարման արդյունավետության բարձրացման քայլերը:

Անհրաժեշտ է աջակցել և խթանել մարզային համայնքներում վերամշակող արդյունաբերության զարգացմանը, գյուղմթերքների արդար գնագոյացման, դրանց ընդունման և մթերման կայուն գործընթացների իրականացման ապահովմանը:

ՀՀ մարզերում գործարարության համար բարենպաստ պայմանների ստեղծումը կարող է ներառել հարկային բարենպաստ ռեժիմների կիրառումը, տեխնոլոգիական վերագինմանն աջակցությունը, տրանսպորտային, վարկերի տոկոսների սուբսիդավորումը, հողատարածք, շենքեր, շինությունների տրամադրումը, ենթակառուցվածքների ապահովումը, գազի, հոսանքի հատուկ սակագների կիրառումը, ազատ տնտեսական գոտիների զարգացումն և կատարելագործումը, պետություն-մասնավոր գործընկերությունը:

ԱՆՎՏԱՆԳՈՒԹՅՈՒՆ

Մարդու արժանապատիվ կյանքը բարձրագույն արժեք է և այն երաշխավորելն ու ապահովելը հասարակության և պետության գերազույն պատասխանատվությունն է: Այս պատասխանատվության արդյունավետ իրացման համար անհրաժեշտ է ձևավորել այնպիսի միջավայր, որը կրացարի մարդու, հասարակության և պետության անվտանգությանը սպառնացող ցանկացած անպատիծ ունակություն:

Անվտանգություն ձևավորելու համար «Նոր Վանաձոր» ժողովրդավարական կուսակցությունը՝ որպես անփոխարինելի ռեսուրս է դիտարկում քանակապես և որակապես ավելացող այն հանրությունը, որը կունենա արտաքին և ներքին մարտահրավերների նկատմամբ անհրաժեշտ և բավարար դիմադրողականություն, հոգևոր-մշակութային, տնտեսական, սոցիալ-քաղաքական և պետահրավական կայուն զարգացման համար անընդհատ աճող ներուժ: Միայն այս ռեսուրսի պահպանմամբ և անընդհատ զարգացմամբ է հնարավոր ապահովել և երաշխավորել ազգի և հասարակության երջանիկ հարատևությունը:

Հարատև անվտանգության և առաջանցիկ զարգացման համար կարևոր է անվտանգային

համակարգերի վերանայումը և ժամանակակից զարգացման միտումներին համապատասխանեցնելը: Այսպես՝ միջազգային զարգացումները վկայում են այն մասին, որ անվտանգային համակարգերի ընտրությունը սերտորեն կապված է տնտեսական համակարգերի հետ: Եվ տնտեսական համակարգերը նպաստում են ոչ միայն ձևավորել, այլ նաև զարգացնել անվտանգության համակարգերը: Ավելին, անվտանգության համակարգերի ընտրությունը պետք է սերտորեն կապված լինի գիտակրթական միջավայրի հետ:

ՏՆՏԵՍՈՒԹՅՈՒՆ

Կուսակցությունը նպատակ ունի Հայաստանի Հանրապետությունում ձևավորել ազգային ներուժն առավելագույն արդյունավետությամբ օգտագործող և զարգացնող տնտեսական համակարգ՝ կարևորելով պետության կարգավորող դերը տնտեսության արդյունավետության բարձրացման, մակրոտնտեսական կայունության, պետական ու ազմավարական հետաքրքրությունների, սոցիալ-տնտեսական արդարության, տնտեսական անվտանգության կառուցակարգերի մշակման և ապահովման գործում:

- 1) տնտեսական գործունեության իրականացման համար անհրաժեշտ հավասար հնարավորությունների երաշխավորումը,
- 2) կոռուպցիայի և ստվերային տնտեսության դեմ պայքարը,
- 3) համայնքային և պետական բյուջեների թափանցիկության ապահովումը, բյուջեի կատարման, պետական գնումների և արտաքին ֆինանսական փոխառությունների օգտագործման արդյունավետության նկատմամբ իրական վերահսկողական կառուցակարգերի ամրագրումը,
- 4) զբոսաշրջության համաշափ զարգացում հնարավորինս բոլոր համայնքներում և մարզկենտրոններում,
- 5) Զբոսաշրջության զարգացման համար անհրաժեշտ ենթակառուցվածքներիապահովում
- 6) զուղատնտեսության զարգացում, անմշակ հողերի օգտագործման հնարավորությունների ու արդյունավետ մեխանիզմների մշակում,
- 7) Տարածքային համաշափ և մասնագիտացված տնտեսական զարգացումը,

8) Ներգրավվել տարածաշրջանային և միջազգային տնտեսական ենթակառուցվածքներում:

ԲՆԱՊԱՀՊԱՆՈՒԹՅՈՒՆ

Սահմանադրության 12-րդ հոդվածը հոչակում է, որ պետությունը խթանում է շրջակա միջավայրի պահպանությունը, բարելավումը և վերականգնումը, բնական պաշարների ողջամիտ օգտագործումը՝ դեկավարվելով կայուն զարգացման սկզբունքով և հաշվի առնելով պատասխանատվությունն ապագա սերունդների առջև։ Յուրաքանչյուր որ պարտավոր է հոգ տանել շրջակա միջավայրի պահպանության մասին։ Շրջակա միջավայրի պահպանության համար անհրաժեշտ է բացառել բնական ռեսուրսների գերշահագործումը, նվազագույնի հասցնել շրջակա միջավայրի, այդ թվում՝ մարդու կյանքի և առողջության վրա բացասական ազդեցությունները, ապահովել շրջակա միջավայրի աղտոտման կանխարգելումը կամ նվազեցումը, բնական ռեսուրսների համալիր կառավարումը և դրանց նկատմամբ վերահսկողությունը։

ԱՐՏԱՔԻՆ ՔԱՂԱՔԱԿԱՆՈՒԹՅՈՒՆ

Գիտակցելով և հաշվի առնելով համամարդկային, միջազգային և տարածաշրջանային բնակլիմայական, առողջապահական, մարդասիրական, միջազգային իրավական, սոցիալ-տնտեսական և հոգևոր-մշակութային հին և նոր մարտահրավերները, միջազգային բարդ իրավիճակը և ուրվագծվող աշխարհաքաղաքական միտումները՝ Հայաստանի Հանրապետությունն ու ժողովուրդը, ինչպես նաև աշխարհասփյուռ հայությունը պարտավոր են իրագործել երկրի կայուն անվտանգությունն ու զարգացումը երաշխավորող հավասարակշիռ, ձկում և հեռատես արտաքին քաղաքականություն։

Կուսակցությունը հետամուտ է լինելու, որ ՀՀ արտաքին քաղաքականությունն՝

- 1) ուղղված լինի Արցախի հիմնահարցի հայանպաստ կարգավորմանը,
- 2) ուղղված լինի միջազգային հարաբերություններում հայ ազգային շահի

պահպանությանը,

- 3) ապահովի երկրի, ՀՀ ժողովրդի և հայ մարդու անվտանգությունը և երաշխավորի տվյալ ոլորտում դիվանագիտական քաղկացուցիչ արդյունավետ և բազմակողմանի կիրառելիությունը,
- 4) իր ողջ ռեսուրսները ծառայեցնի ՀՀ ինքնիշխանության, սահմանների ամբողջականության ու ազատության պահպանմանը,
- 5) իր նպաստը բերի հայ մշակույթի և արվեստի ողջ աշխարհում տարածման գործում, այդպիսով՝ հասանելի դարձնելով մարդկությանը հայ ժողովրդի պատմական և մշակութային ժառանգությունը:

ԿՐԹՈՒԹՅՈՒՆ ԵՎ ԳԻՏՈՒԹՅՈՒՆ

Կուսակցության առաջնահերթ նպատակներից է կրթության և գիտության զարգացման տեմպերի ավելացումը, մայրաքաղաքային, քաղաքային և գյուղական համայնքներում կրթական մակարդակի նույնականացումը, հանրակրթության, միջին մասնագիտական և բարձրագույն կրթության որակի բարձրացումը, կրթությունգիտությունաշխատաշուկա փոխադարձ կապի և փոխազդեցության ներդաշնակեցման ապահովումը:

Նախադպրոցական կրթության հասանելիության ընդլայնում առանց որևէ խտրականության Հայաստանի Հանրապետության տարածքում, հատկապես շեշտադրելով այսպիսի հաստատությունների և կրթական ծառայությունների առկայություն մարզերում և հեռավոր գյուղական վայրերում՝ որպես երկրի համաշափ տարածքային զարգացման և գյուղապահպանության գործոն:

Հանրակրթական հաստատությունների կառավարման և ֆինանսավորման լիազորությունների ապակենտրոնացում, այն է՝ բացառապես համայնքային միջոցներով՝ խրախուսելով ներդրումները համայնքապետարանի միջոցով, դրա երաշխավորությամբ և պատասխանատվությամբ:

Փոքր համայնքներում, համայնքների ավարտված կամ ակնկալվող խոշորացման տրամաբանությամբ, նյութական և մարդկային ռեսուրսների համօգտագործման կառուցարգերի ներդրմամբ որակյալ հանրակրթության ապահովում:

Միջին մասնագիտական կրթության՝ հանրակրթության հետ փոխապակցում կամ փոխլրացականություն, որի ավարտին տրամադրվում է մասնագիտական որակավորում մասնագիտական աշխատանքի անցնելու հնարավորությամբ կամ կրթությունըբուհում շարունակելու հնարավորությամբ:

Բարձրագույն կրթություն-տնտեսություն կազի ամրապնդում. բարձրագույն կրթությունը և հետազոտությունը պետք է հիմնված լինեն ակադեմիական գիտելիքի և աշխատաշուկայի պահանջները ապահովելու վրա՝ դրանով խթանելով հիմնարար և կիրառական գիտությունների զարգացումը և աշխատաշուկայի պահանջների բավարարումը:

Հայաստանի Հանրապետության և հայ ազգի հիմնական ռեսուրսը գիտելիքն է:

Կարևորում ենք, որ ՀՀ գիտության ոլորտը լինի մրցունակ, հիմնարար և կիրառական գիտական հետազոտությունները խթանող, միջազգային գիտական և հետազոտական տարածքի հետ ինտեգրված, ստեղծարար, նորարար և մրցունակ տնտեսության ձևավորմանը և երկրի անվտանգությանը նպաստող համակարգ:

Սույն Ծրագիրը կազմված է 13 հոկտեմբերի 2021 թվականին, բաղկացած է 9 էջից: